

Broj: 16-20-5844-<sup>3</sup>/24  
Bihać, 23.05.2024. godine

Na osnovu člana 70. Zakona o organizaciji organa uprave u Federaciji Bosne i Hercegovine (Službene novine Federacije Bosne i Hercegovine br. 35/05), a u vezi sa članom 69. stav (2), tačka e) i člana 70. Zakona o javnim nabavkama BiH (Službeni Glasnik BiH broj 39/14 i 59/22) direktor Poljoprivrednog zavoda, donosi

**ODLUKU**  
**o poništenju postupka javne nabavke**

**Član 1.**

Poništava se postupak javne nabavke pokrenut putem ponude direktnog sporazuma za nabavku ugovorenih usluga i roba „Zakup bilborda, print bilborda, plakat B2, Roll up pano sa futrolom i dizajn i priprema istog“ iz razloga što ponuda prelazi planirana sredstva ugovorenog organa za ovaj postupak javne nabavke, u skladu sa članom 69. stav (2), tačka e) Zakona o javnim nabavkama BiH (Službeni Glasnik BiH broj: 39/14 i 59/22).

**Član 2.**

Ova odluka stupa na snagu danom donošenja i objavit će se na web stranici [www.vladausk.ba](http://www.vladausk.ba), istovremeno sa upućivanjem ponuđačima koji su učestvovali u postupku javne nabavke, shodno članu 70. Stav (6) Zakona o javnim nabavkama.


**Obrazloženje**

Javna nabavka ugovorenih usluga i roba „Zakup bilborda, print bilborda, plakat B2, Roll up pano sa futrolom i dizajn i priprema istog“ je provedena putem postupka male vrijednosti: Direktni sporazum. Procjenjena vrijednost javne nabavke je do 1.000,00 KM bez PDV-a. Prije provođenja postupka javne nabavke provedeno je ispitivanje tržišta.

Pismeni zahtjev za dostavu ponude upućen je Agenciji „Visual marketing“ dana 06.05.2024. godine a krajnji rok za dostavu istog bio je 24.05.2024. godine do 15:00 sati. Nakon isteka roka za dostavljanje ponude, pristigla je jedna ponuda ponuđača Agencije „Visual marketing“sa ponudnom cijenom od 1.479,00 KM. Odredbom člana 2. stav (1), tačka l) Zakona o javnim nabavkama BiH (Službeni Glasnik BiH broj: 39/14 i 59/22) propisano je da je ponuda čija cijena prelazi planirana sredstva ugovorenog organa za nabavku neprihvatljiva. Kako je u ovom postupku javne nabavke u krajnjem roku dostavljena samo jedna ponuda koja je neprihvatljiva za ugovoreni organ, u skladu sa gore navedenom odredbom Zakona o javnim nabavkama BiH odlučeno je kao u dispozitivu.

**POUKA O PRAVNOM LIJEKU**

Protiv ove odluke ne može se izjaviti žalba.



**POLJOPRIVREDNI ZAVOD USK-a**

*Mehira Perviz*  
Direktor  
**dr.sc. Mehira Perviz**

